

G R S

1 5 7 2



Finem Saepe sequens ut veritas superi
mar, Iustitiam Iustis p[ro]ferat
Sed Deus celsissimus veracissimusq[ue]
Sufferere non potest, o[mn]ia itaq[ue] peccata
p[ro]p[ri]a et in p[ro]p[ri]a morte vindicari
cat rem h[ab]ere et respiciat. h[ab]et.

ib. **P. d. 196**

907
hr

philip. Melanct[on]
Om[n]ia res sunt commoda et
incommoda

Alle Ding haben ihren nutz in sich

7

Theologie
N. VI. 229. 464


90
hr


vi


Si
ble

g









Wahrhaftige Zeitung

Von dem grossen Christen Sieg /
auff dem Ionischen oder Alusonischen
Meer / wieder den Türcken / so bey dem Porto Le
Pante (sonst Naupactus genandt) auß son-
derbarer schickung Gottes erhalten wor-
den ist / Den vij. Octobris /

Im M. D. Lxxj.
Jare.

Sampt einer verzeichnuss / was auff beyden seit-
ten / von fürtrefflichen Leuten gewesen / vnd
zum theil gefangen vnd blieben sein.

Gedruckt in der Heinrichstadt /
bey der Vestung Wolffenbüttel /
durch Cunrad Horn.

G R

Zeitungen.

Nach dem der Türck im verschinen Jar/ vnter
uerrsehens/der Herrschafft zu Venedig/Wider trawen
vnd glauben die Insel Cipern vberfallen/vnd in ders
selben Insel die Haupestatt Nicosiam mit gewalt erobert
vnd eingenommen/ Vnd viel Tausent Seelen darinnen ers
barmlichen / vnbarmerzig/ von Jung vnd Alten/ Mans
vnd Weibs Personen umbbringen lassen/ Volgents für die
befestigung Samagusta sich gelegert/ vnd zu etlich malis
durch Sturm vnd in ander weg versucht hat/ die selben bes
festigung einzubekommen/ welche ein lange zeit des grossen
gewalts sich erwehrt/ vnd villeicht biss daher thun hette
können/wann sie ersetzt vnd Prophiandiert werden können/
Aber der gedachte Türck vormerckt/ das dergemelten bes
festigung mit gewalt nichts abzubrechen were/hat er ein ge
waltige Armadam zu Wasser ausgerüstet / die selben seinen
vordersten Krigs Rehten vntergeben/ welcher Namen hers
nacher verzeichnet werden sollen/ Die in der Venediger Col
sum abfaren vnd alle derselben Portus einnemen solten.
Darzu dann ein zimlicher anfang gemacht/ das dieselben als
bereit etliche Ort/ Als Dulcigno / Antiuari vnd Wuduam
eingenomen/ Cataro belagert vnd zunehest an Venedig ge
streiffte/ vnd sehr vil Volcks hinweg gefürt gehabt/ Unge
zweifelt darumben auff das die in Samagusta nit möchten
entsetz werden/ vnd etlichen aus hungers not sich ergeben
müsten. Vnd wann er deren Ort die oberhandt gewinnen
würde/ dz er auch zu Landt mit allein die gedachten Ehrli
chen Herrschafft zu Venedig/sonder auch andere Christliche
Potentaten berükgen könnte.

2 ii Ein

Ein solches aber abzuwenden/ haben etliche hohe Potentaten mit de Venedigern sich einer gegenwehr verglichen/ Die ist aller ersten den 16. Septembris zu Messina in Sicilia zusammen kommen/ Von dannen den 26. Septembris auff Corfu geruckt.

Daselbsten haben den 28. Septembris/ die von der Christen Armada/ Raht gehalten/ was sie thun solten/ ob sie dem Feind nach jagen solten oder nicht/ vnd hat der mehrer theil (aus folgenden vernünfftigen vnd guten vrsachen) für gut angesehen vnd dahin geschlossen/ Man solte jme nicht nach jagen/ Dann es wehre spatt im jhar/ möchten leichtlich vom vngewitter verschlagen werden/ vnd hette der Türck einen grossen vorthail in der nehe/ als dem Hafen Le Panthe alias Naupactu, In dem wurde ihm nichts abzubrechen sein/ vnd was hievor die Christenheit vor Zerbe, Algiera vnd andere mehr örter/ zu vngelegener zeit für vnwiederbringlichen schaden erlitten/ auch mercklich viel der ganzen Christenheit an dieser Armada gelegen were/ angezeigt/ vnd dafür vnd an des stadt/ andere ort vnd flecken für geschlagen/ als Margariten, Soppoten, oder das new Castell/ die zu gleich/ oder ein jedes besonder zubelagern. Dawider hat der Herr Augustin Barbarigo, ein fürtrefflicher/ beredter vnd behergter Man/ von der Venediger wegen fürbracht/ das mit besonderer mühe vnd arbeit der Christen Armada zusammen geführt/ vnd die Gott lob/ wol auff vnd der notturfft versehen were. Dargegen die Feinde den ganzen Sommer vber/ auff dem Wasser gewesen vnd ausgesmattet/ vnd hoffte die ganze Christenheit/ sie solte vnd würde viel ihrer mit Christen von diesem Tyrannen erledigen/ wenn sie solches auch nicht thete/ so wer es ihr ein ewige schandt/ vnd da es jetzt nicht geschehe/ so möchten alsbalt sich keine gelegenheit mehr darzu/zutragen/ vnd würden die Türcken noch diesen Winter ihre krefften/ erholen sich stercken/ vnd viel Schadens den Christen

ken zufügen / Ober disa were zubefahren / da der Christen Armada / mehr denn ein ort belagern vnd sich trennen würde / das sie viel gefahr müsten aufstehen / denn den Türcken wehre mit wenig Volck nichts abzubrechen / Solte auch die ganz Christen Armada vmb der obgemelten Flecken einen sich annemen / so trügs den kosten nicht aus man besetze auch die wie man wolte / so könten die Türcken dieselben leichtlich wider erkiegen. Hiegegen da die Türcken geschlagen / so würden die gemelten Flecken sich selbst ergeben müssen / vnd dürfften geringer besagung. Hierauff den Herrn Ioan de Austria, vnd alle andere Nation Oberste vermanet / das sie ihr Ehr bedencken / ein gut gerücht vnd Lob ihnen machen / Mans hertzen annemen / vnd kein schewen oder entsetzen haben wolten / für die ganze Christenheit / von wegen des Christlichen Glaubens / vnd vmb bestendigen Friden zuerlangen / Ritterlich zustreiten mit andern mehr Worten. Bey diesem ist es diesen Tag vnuerrichter sachen blieben.

Den folgenden als den 29. Septembris / hat man etliche Mawrpredcher vnd grob geschütz eingeladen / vnd abermals Rath gehalten / vnd sein der mehrer theil / aus obgehörten vrsachen noch ihrer vörigen meinung gewesen / aber der Herr Augustin Barbarigo seinen vorgethanen fürtrag widerholt / embsig angehalten vnd gebeten / man wolte doch nur ein versuchung thun / Wenn sie guten Windt hetten / so wolten sie wider nach Candiam schiffen / vnd von dannen denen in Fasmagusta, hülff zuschicken. Vnd da es villeicht etlichen vmb die Prouiandt zuthun / so were hieran kein mangel / sonder hetten sie dern vollauff zu Corfu, insonderheit ein grosse meng von Biscoten, davon wolten vnd solten die Venedischen jnen mitheilen / so viel sie dern begerten. Auff diese abermal tröstliche vermanung / solle der Herr von Austria sich erkleret vnd erboten haben alles das zuthun / das die Venediger an jne begeren würden. Vnd ist nach gehaltenem Rath jes
derman

der man in die Galeen getretten/ vnd die ganz Armada mit gutem Windt abgefahren/ vnd kommen in den Portum genandt Legomenicus, alda 2. Tag von wegen des Windts/ welcher ihr entgegen gewesen/ stilligen müssen/ vnd hat gedachter Herr Barbarigo nirgents der hinderst sein wollen / darüber auch wie hernach angezeigt werden sol / er blieben. Der Allmechtige Gott verleyhe der Seelen vnd allen Christen gläubigen ein fröliche Auferstehung / Amen.

Derselben zeit ist die Türckisch Armada zu Preuesa gewesen/ vngewerlichen/ 60. Meil von Corfu gelegen/ vnd als sie vermerckt/ das die Christen irer begert / ist sie geruckt in den Colfun oder Hafen mit namen Le Pante, in welchem Hafen sie wol sicher sein können / vnd hetten die Christen nimmer mehr gemeint/ das dieselben daraus sich begeben solten/ so im eingefahren eng vnd auff beiden einer jeden seiten/ ein zimlich Schlos gehabt Dardanelli genandt / vnd inwendig 6. Meil lang vnd 4 Meil breidt gewesen / Darumben auch die Christen einen ganzen tag sich auffgehalten/ vnd nicht gewust / wann die Türcken in diesem Porto bleiben würden/ was sie thun möchten / Vnd hat der Herr Iohende Austria auff die Schiff warten / vnd die 6. Mayorprecher vnd in 30000. Man außladen vnd segen wollen / vnd vmb die Schlöffer vor dem Colfo sich annemen / welches den Christen/ wann es geschehen/ nicht zum besten gerathen were.

Die Christen aber/ seien den 6. Octobris weiter geruckt in den kleinen Canal von Cephalenia, wie auch das die Türcken vernummen/ Hat der Caracoggia Corsar sich angebotten er wolt mit einem Kennschifflein kundschafft einnehmen/ vnd ohne gefahr vnd muhe abzelen / wie starck der Christen Armada were/ welches er thun/ aber nit wie die notturfft erfordert gehabt. Denn er die gewissen zal aller Galeen vnd Schiff nit erfahren/ Dann vber funffzig noch in dem gedachten Canal blieben/ die nit mögen gesehen werden/ Vnd nach

dem er zu dem Pertaw auch Alibassa General Obersten der
Türkischen Armada kommen / sol er denselben viel von einer
geringen anzal / denn der Christen Armada starck gewesen /
bericht thun haben / welche zuvor gespaltener meinung gewe-
sen / darunter der General Bassa begert zu schlagen / andere
aber / nach lang erzelten vrsachen dasselbe widerrachten / vnd
jedoch von gemelter ansag behergt worden / so ohne das von
dem Türkischen Keyser / irem Herrn befelch gehabt / zuschla-
gen / mit grossen freuden zu dem treffen sich gefast gemacht
vnd geschickt.

Auff solchs ist die Türkisch Armada am gemelten sech-
sten Tag Octobris negst verschinen / da auch der Windt der
selben zeit für sie gewesen / aus dem gemelten Colfo Le Pante
gefahren / vnd nach dem nicht lang dauor vber die ordentliche
besatzung vber 12000. Spachen guten vnd frischen Kriegs-
volck die gedachten Türcken eingesetzt / mit diser gelegenheit
vnd macht verhofft gehabt / die Christen in dem gedachten
Canal Cephalenia zuumbgeben vnd zubelagern / vnd dern-
entlich mechtig zusein. Aber der Almechtig Gott hat es gnes-
diglich vorhütet. Dann wieder alle vernunfft vnd der ver-
stendigen Kriegserfarnen bedencken / Als das es bey der
nacht / vnd der Feindt in der nehe / auch der windt entgegen
gewesen ist / hat der Herr Ioan de Austria, auff anhalten vnd
bitt des Herrn Proueditors Augustin Barbarigo, auch wies
der aller andern Befelchsleut willen / einander Angulus Gi-
oanni genandt / zu sich erfordert vnd den 7. tag Octobris /
vngesehrlichen zwo stunden auff den tag auffzubrechen be-
fohlen / Sechs grosser Galeen bey der handt behalten / vnd et-
liche gemeine leichte Galeen vorhin geschicket / auff vngeuer-
lich ein grosse Teutsche Meyl / kuntschafft einzunemen.

Wie nun die kommen bey nahent Cursolari einer Insel
sonsten Ithaca genandt / zwischen Potrassa vnd Cephalenia,
haben die Christen die Feindt entgegen gesehen / so mit allen
freuden

frewden auff der Christen Galeen mit vollen Segeln vnd
fehlen vnd starcken Riemen geeilet.

Also das pinnötig den abgesanten zeit vberlassen wor-
den / solches der Christen Armada anzuzeigen.

Wie nun das der gedachte Ioan de Austria vernommen
hat / ist er / so ein weisse Rüstung angehabt / in ein Fregantis-
nen gestigen / vnd vast alle Galeen umbfahren / vnd auch wie
der die Feinde die Schlacht angeordnet / mit ernstlicher vnd
trewer vermanung / behertz mit dem gemeinen Feinden des
Christlichen glaubens / vmb Christi Ehr willen zuschlagen /
vnd vermeldet / das er ihr Oberster nicht / sonder jnen gleich /
aber Christus / were der Herr / ihr Patron vnd Oberster / ein
Herr vber die ganzen Armada / in dem setzt er alle seine hoff-
nung / guter zuversicht / er würde mit seinem Armb souiel ge-
nad beweisen / das sie den gedachten Feinden möchten obsie-
gen. Hierauff ein jeder geschrieen / mit einander vber laut /
sie wolten demselben vertrauen / vnd ihr bestes anteren / wel-
ches nicht ein geringe anzeigung frölichen tags des Siegs /
geben hat. Es sein auch alsbalde alle Galeoten in der Chri-
sten Galeen vnd Schiffen ledig gemacht worden.

Vnd wie nun die Türcken / in formb eines halben Mons-
scheins / ire ordnung gemacht / jedoch von dreyen vnterschit-
lichen gliedern. In den dritten glied gewesen der Oschiali Cor-
sar König zu Algier / welcher verordnet ward / wo vonnöten
den vberlegenen zu hilff zukomen / Dern in allem 200. Gal-
leen vnd 90. Fusten vnd etliche Schiff gewesen sein sollen.
Da haben hergegen die Christen zu dem treffen die obgemel-
ten sechs grossen Galeen / mit der Capitana außs Sicilia ver-
ordnet / Auff die gewolget der Herr Ioan. Andreas Doria
auff der Rechten / der Herr Veniero vnd Barbarigo von
wegen Venedig / auff der Lincken seiten / vnd der Herr Ioan.
de Austria in der mitten / ein jeder mit 53. Galeen / auff dern
jede vier andere Galeen gewolget.

Vnd in

Vnd in der Vierten Ordnung gewesen / Abermaln auff
einer jedern seiten / vnd in der mitten 15. Fregaten vnd Bres-
gantinen. Auff diese gefahren der Herr Alvaro von Bazzan
mit 37. Galeen / Vnd im nachzug abermaln gewesen 10. Fres-
gaten vnd Bregantinen. Vnd auff beiden einer jeden seiten
der gantzen Armaden 10. grosser wolgeruster Schiff / vnd
an statt angehengter flügel / 3wo grosser Galeen.

Vnd wie der scherz ist angangen / vnd beidetheil bey
Curzolari oder Ichica sich zusamen genahet / haben die Tür-
cken / irem brauch nach / hefftig vnd oberlaut anfahen zu
schreyen / vnd ihr grob geschütz zeitlich / auff die Christen ab-
gehen lassen. Die Christen aber seyen jnen gemach entgegen
kommen / vnd hat der widerwerdig Windt (welches wol
für ein wunder vnd gnade Gottes zurhümen ist) sich gelegt
vnd die Christen die sechs grosse Galeen / dieweil es also
Windtstill worden / vorher fahren vnd anziehen lassen / auff
welche der Alibassa / vnd in mitten der selben getrungen / Die
Christen aber den Feinden mit dem geschütz / nicht weniger
schaden gethan / dann ihnen forcht gemacht / also das die
selben anfahen zuschreyen Mahome Mahome, vnd sich ver-
wundert / das dergleichen geschütz vnd gewalt / vnter der
Christen Armada sein sollen / vnd als der Christen geschütz
gar wol getroffen / auch andere dem verzug der 6. Christli-
chen Galeen zu hülf kommen / haben sie den gedachten Ali-
bassa, wieder in die mitten gefast / dermassen / das die seinen ir
geschütz / nicht sonders mehr gebrauchen / noch den Christen
damit schaden zufügen können / Es haben auch die andern
Türcken ire Ordnung des halben Monts trennen vnd theis-
len müssen / vnd ist der erste angriff geschehen von der Feindt
lincken / auff der Christen rechten seiten / welcher angriff auch
der grösste gewesen ist / Der ander von dem Hauptfahnen /
Vnd der dritte / von der rechten seiten / vnd ist im ersten an-
treffen vast alles Volck / so im 10. Galeen gewest / erlegt
worden

worden/ mit des Herrn Ioan. Andre Doria grosser gefahr /
das man sich auch desselben verwegen gehabt / vnd hette er
Herr Doria mit dem zuviel hinaus lassen/vbel gehandelt/das
jme andere Galeen nicht zu hülff kommen weren / von wels
chen er errettet / also das er der Feinden entlich mechtig sein
können.

Auff der Christen rechten seiten / hat man auch viel auss
sehen müssen / wiewol sich die Christen Ritterlich vnd wol
gehalten / sie hetten auch nicht ausdawn können / wenn nit
der Marches S. Croce mit den Galeen im nachzug ihnen zu
hülff kommen wehre / welche die Feinde mit grossen ernst
angegriffen / dabey auch der vortheil gewesen / das der wint
sich auff der Christen seiten gewendet / vnd allen rauch von
dem Geschütz / auff den Feinde getriben vnd geschlagen / das
sie darvon nicht sehen können / daran aber die Christen kei
nen mangel gehabt.

Der Herr Ioan de Austria hat mit seiner Gallea / auff des
Pertaw Bassa Gallea getroffen.

Des Herrn Marci Antoni Colona Galea / hat vnter Aus
gen / vnd den auff der seiten 2. Türckische Galeen gehabt / vnd
ist verhalten nit in geringer gefahr vnd nöten gewest / jedoch
mit einer kleinen entsagung / sich der Feinden gewalt erwert.

Vnd ist der Herr Veniero, der Venediger General / auch
in einer blancken Rüstung / bey dem grossen Geschütz / for
auff seiner Galleen gestanden / welches von einem also Alten
Herrn selzam zuhören / vnd mit des Ali Bassa Galleen Rit
terlich gestritten.

Der Herr Barbarigo, welcher nun zu Himel ist / hat sich
auch der massen gehalten / das sein Lob nicht auszusprechen /
der ist aber mit einem fletschen Pfeil in ein Aug geschossen /
vñ dermassen verletzt worden / das er hernach in der 15 stund /
aus diesem in ein besser leben von Gott abgefordert worden.

Allermassen haben sich auch alle andere von Italias

B

neru

nen vnd andern Nationen / Ritterlich vnd wol gehalten /
welche darumben ewigen lobs werdt seyen / nach dem sie et-
liche stunde in lebens gefahr bis an den hals gestanden /
also das sich ein gute zeitlang / kein theil obsiegens behümen
dörffen / darnon in specie viel zuschreiben were / vnd würde
von einem vermeldet / Welcher mit vnd dabey gewesen. Es
habe fast ein jeder Oberster vnd Beuelchsmann / zwen schüßs
aus Rören / welche doch nicht alle durchgangen / auch etliche
flitschen zeichen dauon gebracht.

Aber in werenden streit vnd rauch / sol der Oschial Cora-
sar, mit vngeuerlich 30. Galleen vnd Süsten / außgerissen
sein / vnd nicht mögen gesehen werden / wo hin er gestoben o-
der kommen / Volgents aber in der nachteil / sollen die Chris-
ten / von dem gedachten seinen Schiffen / 12. Galleen ange-
halten vnd erlang haben / vnd er für sein Person / mit vnge-
uerlich 6. Türcken / vnd dem Gelt / so er bey sich gehabt / auff
einer Fregaten / zu Landt entworden sein / welches doch noch
vngewiss / sondern gewissere zeitung dauon erwartet wirdt.

Vnd nach dem gemelter Kampff vnd Schlacht / vber
5. Stunde lang gewehret / hat entlich der Almechtig Gott /
den Christen den Sieg verliehen / die haben von den Feinden
die Obersten Befelchhaber / vnd bis in die 50000. oder
60000. Türcken umbgebracht vnd niedergehawen / auch
in 10000. Türcken gefangen / vnd in 161. Galeen welche noch
zugebrauchen / vnd 12. Galeoten von 22. Pencken / erobert /
vnd nach Corfu vnd Candiam geschickt.

Sonst sol ein zimliche anzal von Türckischen Galeen / zu
grundt geschossen vnd verbrennt / vnd in 15000. gefangener
Christen erledigt worden sein. Darzu sich die Galeoten auff
den Türckischen Galleen (welche zuvor Christen gewesen)
vngeachtet / das sie an Ketten geschlossen / sich nichts weni-
gers zu der Christen vorthail / auch wol gehalten / den Tür-
cken bis auff die Zeen / schaden zugefügt / vnd den jenigen /
welche

welche sich in ernst zu weit hinaus begeben / vollents vber
hort geholffen / vnd wie die Hundt vmb sich gebissen haben
sollen.

Vnd ob wol die Christen / Gott lob / den Sieg vnd Victoriam
erhalten / so sollen doch auff irer seiten / auch vil Kriegs-
volcks / vngewerlich in die 14000. Man vmbkommen sein /
darunter ein guter theil dem Herrn Barbarigo vntergeben /
vnd allein in 20. Adels Personen von Venedig / aussershalb
deren / die verwundet sein / mehr 6. Galeen zu grundt gar-
gen / darunter ein Maltesische / Zwo Venedische / ein Flo-
rentinische / vnd ein Candiotische / vnd wüder zuuorderst der
Herr Barbarigo sehr geklagt / es sol auch in einer Maltesis-
schen Galeen / von wegen ihrer trefflichen gethanen gegen-
wehr / nicht ein einiger Ritter vberblieben sein.

Der gedachte Herr Veniero der Venediger Oberster / ist
auch verwundet / aber nicht gefehrlich / dergleichen Herr Paulus
Vrsinus durch einen Arm geschossen / vnd vom Feuerwerck
an der einen hüfft verletzt / auch andere viel Haupt vnd Bes-
felchs Leut verwundet worden.

Die grossen Galeen der Christen / haben mit ihrem Geo-
schütz / den Türcken grossen schaden zu gefügt / von den sub-
tilen Galeen / hat man sich mit der Faust wehren / Ketten ans-
werffen / vnd allen ernst vnd fleiss brauchen müssen / dieweil
auff denselben Galeen / das Geschütz wenig nutz gewesen.

Die erledigten Christen Galeoten / von der Türcken
Armada vnd Galeen / sein alle wol begabt worden / vnd die
sage gewesen / man würde den andern erledigten Christen / die
von den Feinden eroberte Galeen vntergeben / Jedoch auff
sondere mass / damit sie sich ihres schadens ein theils zuer-
holen hetten / vnd nemlich / was sie erobern vnd gewinnen
würden / aussershalb des Geschütz vnd liegenden Güter /
das solte ihr sein / vnd solte ihnen zur verlag ein fürlehen
geschehen.

B ij

In

In des Pertaw Bassa Türckischen Obersten Galea/sollen
in 2000. Sultanini, in Gold/vnd in des Caracoggia Galea in
40000. Zechin/vnd sonst in den Schiffen vnd andern Gaa
leen / grosses gut gefunden worden sein.

Der Herr Ioan, de Austria, sol den Türckischen General
Bassa, als er gefangen vnd hart verwundet / den Kopff ab
schlagen / vnd denselben fürter in seiner Gallea / auff ein
lange stangen oder Spies stecken lassen / vnd den Herrn
Veniero angeredt haben / den er von wegen seines hohen al
ters einen Vater genendt / er hette der Venediger verstandt
vnd macht erlernt vnd erfahren / vnd wie bissher beschehen /
Also wolt er für ihn sein vermögen bey ihnen zusetzen / vnd
Darauff den fürschlag gethan / dem erlangten Sieg nachzus
setzen / ob sie den Oschiali auch zur handt bringen möchten /
welcher entweder in Barbariam oder in Lepantum, in Sinum
Corinthiacum geflohen sein müste.

Diese obgeschribne zeitungen / Von dem erlangten Sieg/
hat anfenglichs die Gallea Iustiniana / gehn Venedig ge
bracht / Diese hat allenthalben Türckische Fahnen auffges
steckt / vnd auch vngeuerlich biss in 40. Gefangene Türcken
mit sich geführt / Als aber die noch in der weiten gewesen / vnd
etliche frewdenschuss gethan / Ist darob jederman zu Venes
dig erschrocken / Weil man nicht gewust / Warumb vnd von
wem es geschehen / besorgendt / die Feindt weren in der nehe.
Darumb seyen alle Bürger vnd Kriegsleut / auff die verora
dente Pleze gelauffen / vnd hat die Herrschafft zu Venedig/
je ein Kennschiff nach dem andern hinaus gesandt / alle geles
genheit zuerfahren vnd einzunemen / Wie nun die abgeorden
ten sich zu der obgedachten Galleen nahet / vnd befunden /
das es freunde / auch gleichwol alle Galleoten / mit köstlichen
Türckischen Rleydern bekleidt gewesen / Welche geschryen
Victoria, Victoria, haben als baldt die ersten / die solchs ges
hört / one weiters nachfragen / vmbgewendet / vnd seyen die
letzten /

letzten / im zurückfaren / die ersten worden / vnd je einer dem
andern wöllen vorkommen / Diese gute Zeitungen heimzus
bringen / vnd auff das keiner mehr vortheils / Dann der ander
hette / haben die hindersten / Welche im aufsfaren die forder
sten gewesen / alabaldt sie zu der Stadt kommen / auch anfas
hen zu schreyen Victoria, Victoria. Von diesem geschrey / ist
yederman von den Pleggen geloffen / eins theils in die Kir
chen / eins theils zu dem Pallast / vnd nach dem die Justinias
nische Gallea selbst ankommen / welche die Türckischen Fah
nen / im grossen Canal nachgeschleiffte / vnd gemelte Zeittun
gen bestetigt / ist der Herzog vnd die Herrschafft auch in die
Kirchen gangen / vnd hat man alda das Te Deum lauda
mus gesungen / vnd alle Glocken in Venedig geleutet / auch
Jung vnd Alt für freuden geweinet.

Hernach soll auch den 27. Octobris des Herrn Ioan Bap
tista Contarini, Gallea / zeitung gebracht haben. Das die
Christen / die Stett Lepantum vnd Patrasio. in Peloponeso
gelegen / eingenommen vnd geschleiffte hetten. Legen vor S.
Maura, vnd die sag / Obschiali wehre dahin geflogen / hiers
über aber / vnd ob solchs veruolgen werdt oder nicht / ist
man ferner berichts gewertig.

Vnd hat die Herrschafft zu Venedig / an der abgeganga
nen Rath / vnd Beuelchsherrn stat / andere erwelt vnd ges
ordent / die werden mit dem Herrn Iacobo Soranzo, Venez
gem Proueditor, an stat des Herrn Barbarigo, abfaren /
Vnd hat der Herzog zu Venedig / In vollem Rath / mens
niglich / zu Erbarm wandel vnd leben / vnd die Jungen
Herrn / das sie sich gebrauchen lassen / vnd etwas versuchen
wolten / vermant / vnd das man den Sieg / für Gottes gnas
den vnd gaben halten / vnd keiner Menschlichen hilff vnd
macht zurechnen solte / mit viel schönen aufsfürungen / etc.

B ij

Ober

**Über die obgemelten Christen auff der
Christen Armada sein gewesen / Wie volgt.**

Der Prinz von Urbin / auff der General Galeen von
Sophoyen.

Der Prinz von Parma / auff der Galeen Patrona von
Genua.

Der Graff S. Flore, General vber das Italianisch
Kriegsvolck des König in Hispania etc. Auff einer Neapo-
litanischen Gallea.

Der Herr Ascanus dela Cornia, Hauptman vber 3000.
Italianer / Florentinisch Kriegsvolck.

Der Herr Prospero Coluna, Colonell vber 5000. zu
fussen.

Der Herr Pompeus Coluna, Leutenant / sampt an-
dern vnzelichen vortrefflichen Herrn Haupt vnd Beuelches-
leuten / ander Nation.

**Es seyen aber von den Christen vmbkommen
auch wie volgt / Der man in Eyl gemangele.**

Der Herr Augusti: Barbarigo, Proueditor Herr Ihero:
Contarini.

Benedict Sorantzo,

Ioan. Loredano.

Marcus Lando,

Antonius Monegiani.

Iacobus: Trelano.

Iacob: Bisanti von Cata-
taro.

Der Herr Marcus Contarini. Herr Sebastianus Contarini.

Catharinus Mali Pietro. Andreas Calergi auß Condia.

Franciscus Bonsfortzado. Antonius Domicini auß Cefo

Andreas Bragadino. Vincentius Quirini (phalenia.

Iacobus Dugieno. Ioan. Baptista Benedictus auß

Antonius Palqualigo. Luduicus Traun. (Cypern.

Iacobus

Iacobus de Mezo außs Candia. Iacobus Iustiniana
 Die Galea Capitana von Malta. (von Malta.
 Ein Galea vom Babst vnd Ein Galea von Sophoyen
 seyen vnuerseert blieben/ Aber alles Volck darauff ombkom-
 men vnd des Marci Molnei Vnd ein Gallea von Saracossa
 Vnd ein andere außs Sophoyen hart beschedigt worden.

So seyen verwundet.

Marcus Cicogna. Mer ein Hauptman von Malta/ vnd
 Marcus Molmeus, vnd viel anderer mehr Nationen.

Aber von den vordersten Türcken seyen auch omb-
 kommen vnd gefangen / Die nachuolgenden.

Der Ali Bassa ist Todt / vnd sein zween Söne / einer von
 15. vnd der ander von 17. Jaren gefangen worden.

Pattaw Bassa.	}	Rodis. der Caracossa Corsar.
		Sño. Carachial.
		Mettino. Carachia.
		Cauala. Cara Per.
L: obi oder Obriste.	}	Don Napoli di Romania. Chiarab.
		Negroponte. Peruigasan.
		Megroponten. Moral dores.
		S. Maura. Heupt vnd Bes felchleut.

So nun der Allmechtig Gott / one zweiffel/ auff das senlich
 vnd herrlich anruffen/sonil tausent armer gefangner Chris-
 sten/diesem gewaltigem Feindt widerstandt gethan hat/ vñ
 in der eussersten noch den anruffenden zuhülff kommen ist /
 So sol auch menniglich hierab ein Exempel nemen/ Alle seine
 zuuersicht vnd hoffnung auff den HErrn Christum zustel-
 len/ vnd in gedult des HErrn zuerwarten / welcher do wir
 zu ime von Herzen ruffen werden/ aus allen nöten vns er-
 retten kan / Amen.

Faint, illegible text, likely bleed-through from the reverse side of the page. The text is mirrored and difficult to decipher.



155711

(X 1994934)



15





Warhafftige Zeitung

Von dem grossen Christen Sieg /
auff dem Ionischen oder Aulonischen
Meer / wieder den Türcken / so bey dem Porto Le
Pante (sonst Naupactus genandt) auß son-
derbarer schickung Gottes erhalten wor-
den ist / Den vij. Octobris /
Im M. D. Lxxj.
Jare.

Sampt einer verzeichnuss / was auff beyden seit-
ten / von fürtrefflichen Leuten gewesen / vnd
zum theil gefangen vnd blieben sein.

Gedruckt in der Heinrichstadt /
bey der Vestung Wolffenbüttel /
durch Cunrad Horn.

G R

